

STAÐNAD FÉLAGSFORM

Flest þau félag, sem við þekkjum eru speglun af þjóðfélagslegu valdakerfi, sem við búum við. Félagisstjórnin tekur ákvarðanir, ellegar myndar nefndir til að byggja plön um ákvarðanir fyrir sig. Aðrir, sem ekki komast að við slíka stefnumótun eru óvirkir og svara tillögum stjórnarinnar jákvætt. Neikvæði þykir mjög ófélagslegt. Framkvæði er einnig stimplað, sem óánægja ef ekki beinlínis uppreisn ef það kemur neðan frá, vegna þess að félagsformið getur ekki innlímað hugmyndir nema, sem nefndarálit og ferskar hugmyndir þola oft ekki slíka meðferð. Það gildir einu þótt stjórnin óski einlæglega eftir framkvæði, vegna þess að stjórnunarkerfið sjálf gerir ekki ráð fyrir slíku. Félagslegt afl verður því að leita sér framrásar í nýjum farvegi.

FORM, SEM GEFUR HUGMYNDUM VAXTARRÓM

Hugmyndasmíð og framkvæmdaefl hreyfingarinnar fer fram í starfshópum, sem myndaðir eru, vegna áhuga á málefni, ef þörf er á rannsókn eða vegna þess að bregðast þarf við ytri aðstæðum. Í raun er sá einn félagi, sem er þátttakandi í starfshóp. Ljúki starfshópur verkefni sínu geta einstaklingar hans sameinast öðrum starfshóp ellegar fundið sínum gamla hóp nýtt verkefni. Tengiliður milli starfshópanna er miðstöð, sem er í eðli sínu þjónustufyrirtæki en ekki stjórn. Þjónustan er fólgin í minnisgeymslu og upplýsingamiðlun. Þetta er samgöngutæki starfshópanna, sem auðveldar skoðanaskipt og formun nýrra hópa

er þeir eldri hafa lokið hlutverki sínu. Miðstöðinni berast ákverðanir starfshópa, sem mýndast hafa um ákveðin verkefni, en hún leggur ekkert gildismat á verkefna- og hópshópsins eða starfsaðferðir, svo lengi sem þær samrýmast stefnuskrá hreyfingarinnar. Hér er því ekki um að ræða samtök með ákveðnum þátttakendafjölda eða yfirstjórn. Starfssaga hreyfingarinnar er sífellt í mótun og ekki þarf samþykki óstarfandi félaga á því verkefni, sem starfsglaðir hafa valið sér.

FRAMKVÆMD Í RAUN

Tveir undangengnir kaflar eru úrdráttur úr upphafslegu starfsplani hreyfingarinnar. Sumarið 1974 var ákveðið á almennri ráðsstefnu að setja ákvæði um örvari og virkari skiptingu meðlima í miðstöð. Nú sitja 4 í miðstöð en einn vikur á 3ja mánaða fresti svo hún endurnýjast stöðugt án þess að starfhæfni hennar rofni. Með auknu starfi hefur þótt heppilegra að mynda 3 fasta starshópa til þess að sinna þeim verkefnum, sem nauðsynleg eru. Í þessum hóp- er einnig gert ráð fyrir örum skiptum. Hreyfingin er virkur félagsmálaskóli fyrir þá sem þar starfa. Fundir eru eðlilegir og frjálslegir. Eftir því sem hreyfingin vex að þroska og reynslu verður að leggja ríka áherzlu á að kynna öllum hugmyndir nýkomnum hugmyndir hennar og starfsreynslu svonað þeir verði ekki óvirkir sökum þekk- ingarskorts.

